

LIJE'E SAN PABLO AL TE'A LINIĒ'EPOLA' LAPIMAYE LEFOT'ĒEPOĒTSI LIĒYA' TESALÓNICA

¹ Illanc' ninPablo, Silvano y Timoteo alini'elhuo' imanc' unc'alpimaye nolafot'lepotsi liya' Tesalónica. Imanc' iłxanuc' cal'Ailli' ŁanDios y łalPoujna Jesucristo. Iłniya joupā epenufpolhuo'.

Titoc'itsolhuo' ŁanDios, tipaxnetsolhuo'. Tipac'e'etsolhuo' lołpicuejma'.

² Itine itine ma mał'nujuaitsilhuo' ałs'najtsi'iyi ŁanDios. Małpalaic'oyi ałnescolhuo' jahuay imanc'. ³ Ał'nujuaitsilhuo' te ts'i'ic' loł'ejma'. Ma moł'huaiyijnyi ŁanDios tonł'eyi al c'a. Ma monł'ela' capic'a lapimaye tołtoc'ila'. Tołsnet'łyi jahuay lo'ipolhuo'. Tołta'a lonł'epa ma col'huaijma ticaiconanni łalPoujna Jesucristo.

⁴ Unc'alpimaye, ałsina' ŁanDios i'huif'epolhuo', ti'elhuo' capic'a. Tołiya ał'nujuaitsilhuo' ma małpalaic'oyi ŁanDios. ⁵ Litine laluya'ahuo'me jilpe Lataiqui', iłe loya'apa al c'a lixpicepa ŁanDios, imanc' ałquimf'eponga' a'i ma le'a illanc' lałtaiqui', jouc'a ołsingufco'me lipepaxi cal Espiritu Santo. Ma maluya'ayi Lataiqui' acueca' ał'huaiyijnyi ŁanDios. Tołta'a ołsina'. Ołsina' te ts'i'ic' lałpicuejma'. Ołsina' ma ŁanDios lapi'iponga' lałpenic' ałtoc'itsolhuo' imanc'.

⁶ Lijoupa lolapenufpa Lataiqui', ma mołtelcoyi juaiconapa, ixoc'i'molhuo' cunlata cal Espiritu

Santo. Tixoqui cunlata tolihuejyi ËanDios. Toŧta'a aŧ'onŧcosponga' to illanc', jouc'a ti'onŧcospolhuo' to łaŧPoujna Jesucristo. ⁷ Lapimaye nomana' jilpiya łamats' Macedonia, jouc'a nomana' łamats' Acaya, jahuay ihniya ixim'molhuo' ac'a loŧejma'. Toŧta'a oŧmuc'ipola' te ts'i'ic' lo'eyacu lan xanuc' ja'ni ti'huaiyijnyi Jesucristo. ⁸ Imanc' jilpe liŧya' Tesalónica ate'a olapenufpá Lataiqui', lijou'ma maŧe Lataiqui' icuaitsi locuenaye lileloŧya' lopa'a łamats' Macedonia jouc'a łamats' Acaya. A'i ma le'a łamats' Macedonia jouc'a łamats' Acaya icuaitsi Lataiqui'. Ni petsi lomana' lan xanuc' i'i'ma quilsina' imanc' toŧ'huaiyijnyi ËanDios. Ailopa'a calu'iyacola' toŧta'a.

⁹ Maŧne lan xanuc' lu'inga' li'ipolhuo' ihniya litiné łaŧsehuo'me loŧpitya' Tesalónica. Aŧminga': "Lan xanuc' nomana' Tesalónica epenufpolhuo'. Ipai'i'moŧsi liŧpicuejma'. Eca'nipá lilendiosla' tihuejcoyi ËanDios. Itsiya ti'eyi lipenic' ËanDios. Itque ma' aŧinca anDios. Itque a'i quimac', ma' imaf'i'." ¹⁰ Itsiya toŧ'huaicoyi ticuaicoconno li'Hua ËanDios Nopa'a lema'a. ËanDios joupa imaf'i'inapa, ipa'anapa pe lomana' limanapola'. Litine ËanDios timuc'itsola' lan xanuc' lipoyac' aimalteŧ'miyaconga'. Li'Hua aŧcuanajco'monga'.

2

¹ Cunc'alpimaye, imanc' oŧsina' te ts'i'ic' li'ipa maŧmana' jilpe. Linca Lataiqui' laluya'apa i'epa canic'. ² Maŧmana' liŧya' Filipos aŧteŧcopá juaiconapa, aŧmiloquinghuo'monga' cataiqui'. Joupa oŧsina' toŧta'a laluyalaicopa. łaŧcuaitsa loŧpitya' aicaŧsina' caxpaiqui', tama ixtuleconanca jilpe.

Ma maluya'ayi litaiqui' ŁanDios ał'huaijinyi. IŁe Lataiqui' tuya'e' iŁe al c'a lixpice'pa ŁanDios. ³ Illanc' a'i oque' lałpicuejma'. Ał'eyi ma le'a lipenic' ŁanDios. Lu'ilhuo' Lataiqui'. Aimalu'ilhuo' ocuena cataiqui'. Aimalfel'milhuo'. ⁴ Ma ŁanDios joupa lapi'iponga' iŁe lałpenic'. Ał'huaijijmponga' luya'ale Lataiqui', tołiya luya'ayi Lataiqui'. Lahueyi tetenłcocola' ŁanDios. Aimalahueyi te co'iya metenłcocoyacola' lan xanuc'. Małque ŁanDios tixina te ts'i'ic' lałpicuejma'. ⁵ Aimalahueyi caltomı' cola' lapi'itsonga'. Tołta'a aicalapahuilhuo'. ŁanDios ixina' a'i tołta'a lał'ejma'. ⁶ Jouc'a aimalnesyi: “Nomana' Tesalónica jouc'a locuenaye lan xanuc', limetsaicotsonga', limetsaicotsonga' acueca' lanic' ał'eyi”. Aimalnesyi iłiya, tama ninc'apóstole lummeponga' Jesucristo.

⁷ Aimalpalaic'olhuo' a'ujfxi. Małmana' anuli ałpalaic'olhuo' al c'a. Ma to mipalaic'o'mola' łaca'no' laiquinaxque' mitoc'ela' iłniya, ma tołta'a ałpalaic'olhuo' imanc'. ⁸ Jahuay łalunxajma' ał'epolhuo' capic'a. Tołiya a'i ma le'a lu'ipolhuo' Lataiqui'. Ałspic'epá ałtoc'itsolhuo' xonca. Tixoqui calata ałcuayi: “Ne', ałma'atsonga' lalixtuc'oponga', le'a tualaiŁe al c'a lałpimaye nomana' Tesalónica”. Linca acueca' ał'nujuaitsilhuo' imanc'. ⁹ Cacua: Acueca' ał'elhuo' capic'a. Tołta'a ałmuc'ipolhuo' małmana' jilpe lołpıya'. Imanc' ałpimaye ał'nujuaitsinga' lał'epa. Ał'eyi lanic' juaiconapa, ałsoponga'. Ipuqui' itine ał'eyi lanic'. Tołta'a lulijyi caltomı'. Ałcuayi: “Lałpimaye nomana' liłya' Tesalónica aimalŁa'hueyacola' małtoc'iyaconga'. Aimal'e'mola' quipime liłpepajnya.” Tołta'a lał'epa

ma malu'ilhuo' litaiqui' ÑanDios, iñe loya'apa al c'a lixpíc'epa.

¹⁰ Imanc' noñ'huaiyimpá Jesucristo oñsimpá lañ'ejma' mañmana' jilpe. Añsimponga' ma' añinca alihuejyi ÑanDios. Añsimponga' añijca lañ'epa. Ailopa'a cañtac'uiyaconga' lajunac', aimi'iya mañnesc'eyaconga'. Jouc'a ÑanDios ixina' toñta'a lañ'ejma'. ¹¹ Imanc' oñsina' añpalaic'opolhuo' to cal xans tipalaic'o'mola' linaxque'. Alu'ipolhuo': "Ti'ila' ac'a lonñ'eyacu". Alixpi'ipolhuo' cunlata, añsc'ai'ipolhuo', añmipolhuo': ¹² "Tetenñcocola' ÑanDios loñ'ejma'". Mañque ÑanDios jounpa ijoc'ipolhuo' toñtsulfolaitsa pe locuxeyopa, timetsaicotolhuo' ixanuc'.

¹³ Itine itine illanc' jouc'a añ'najtsi'iyi ÑanDios Lijoc'ipolhuo'. Imanc' a'i ma le'a añquimñ'eponga' ma maluya'ayi litaiqui' ÑanDios, olapenuñpá. Iñe Lataiqui' olimetsaicopá itaiqui' ÑanDios, a'i cañtaiqui' illanc' ninc'ixanuc'. Mañe lataiqui' ti'ay canic' jilpe loñpicuejma' imanc' noñ'huaiyimpá ÑanDios.

¹⁴ Toñta'a imanc' oluyalaico'me to iñe lapimaye nafolyomma ñamats' Judea luyalaicopa, iñe jouc'a ixanuc' ÑanDios, ñepenuñpola' Jesucristo. Oñsnet'i'me lo'epolhuo' loñpiñya' xanuc'. Toñta'a iñniya loñpimaye nomana' ñamats' Judea ixnet'i'me lo'empola' liñpiñya' xanuc', iñe ajudío. ¹⁵ Iñniya lan xanuc' judío ima'apá ñañPoujna Jesucristo, jouc'a ima'a'me lam profeta, jouc'a alihuetsojponga' illanc'. Aimi'eyi lipic'a ÑanDios, jouc'a tipa'neyi jahuay liñ'as xanuc'. ¹⁶ Jouc'a aimalapi'inga' lane malu'i'mola' Lataiqui' lan xanuc' pe aimimetsaicoyi ÑanDios. Iñe lan xanuc' judío

xonca tetentɔcocola' aimuntul'me ihniya lan xanuc'. Tofta'a ihne tixhuai'niyi lo'epa lixcay. Tijoula' aimi'iya mi'eyacu. LanDios joupa ixpic'epa titef'mi'mola' nulemma, tijou'ne'ma lipoyac'.

¹⁷ Cunc'atpimaye, aŋca aŋelhuo' capic'a imanc'. Ti'hua aŋnujuaitsilhuo', tama aimatmana' anuli. Li'ipa, al quite' matmana' anuli juaiconapa aŋnujuaispolhuo'. Juaiconapa atpic'a atŋingonatsotŋsi. Lahueyi te co'iya matcuaiconayacu jilpiya. ¹⁸ Joupa atspic'epá le'me. Ma' iya' ninPablo, ai ma le'a anulemma, oquemma aixpic'epa tofta'a. Lijoupa aiqúi'ic'. Satanás atpa'neponga'. Aicaŋec'.

¹⁹ Linca acueca' atpic'a atŋingonatsotŋsi. ¿Te colcuapa? ¿Te imanc' oŋsina' laŋhuaijma? ¿Te oŋsina' naitŋsi nalixoc'iyaconga' calata'? ¿Naitŋsi nomujya ja'ni ipammaita laŋpenic'? Linca ma le'a imanc'. Aŋhuaeicoyi tixininŋe tofta'a litine ticuaicoconanni laŋPoujna Jesucristo. ²⁰ Imanc' linca tolmujyi lipammaita laŋpenic'. Imanc' lixoc'inga' calata.

3

¹ Juaiconapa acueca' laŋsueŋmecopolhuo'. Icuaitŋsi litine aimi'iya matŋnet'ŋconayacu. Atspic'epá aŋmanenca caŋtuca' liŋya' Atenas. ² Atcuxe'epá Timoteo ti'huaŋa' jilpiya loŋpiŋya'. Atmipá Timoteo: “Tofa'etsola' lapimaye liŋpicuejma'. Toxc'ai'itsola' ti'hua ti'huaiyijnle Jesucristo.” Iŋque Timoteo atpima, iŋejmale LanDios. Iŋque lipenic' tuya'aŋa' Lataiqui'. ³ Atcuayi: “Aimoŋsueŋmot'le'me ni anuli imanc', tama toŋtelcoyi”. Imanc' oŋsina' LanDios joupa ixpic'epa aluyalaico'me tofta'a. ⁴ Matmana' anuli jilpe loŋpiŋya' lu'ipolhuo' laŋiyaconga'.

Ałmipolhuo': "Ałtełco'me". Ma tołta'a li'ipa. Joupá ołsingufpá.

⁵ Laicuejpa lipangopa lołtełcopa aicaixina' te ts'i'ic' moluyalaicoyi. Caxhuełma, cacua: "Aga Satanás ehuaipolhuo' acueca'. Aga iminscopolhuo' lołpicuejma'. Tijoułta', tama acueca' lanic' ał'epá jıłpe tijouna'ma jahuay. Aimipanehuo ni tołta'a." Licuai'ma litine aimi'iya caxnet'łconaya laifxueł'mepa, nummepa Timoteo titsetsi. Cacua: Tipainanni lu'i'ma ja'ni ti'hua toł'huaiyijnyi Jesucristo.

⁶ Itsiya icuaina'ma fa'a ilque Timoteo. Joupá itsehuo'ma lołpııya'. Ałsimpá ac'a lataiqui' ilē laluyaloponga'. Ałminga': "Lałpimaye nomana' Tesalónica ti'hua ti'huaiyijnyi Jesucristo. Ti'hua ał'enga' capic'a. Itine itine ał'nujuaitsinga'. Juaiconapa ilpic'a ałsingonatsonga', ma to illanc' ałpic'a ałsingonatsola' ilne." ⁷ Lałcuejpa tołta'a loluyalaicopa imanc' lixoc'ipoltsi calata. Tama lahue'enga', ałtełcoyi, tocomma ailopa'a tintsi. Joupá i'ipa całsina' imanc' ti'hua toł'huaiyijnyi Jesucristo. ⁸ Ja'ni aimipaiyumma lołpicuejma', ja'ni ti'hua toł'huaiyijnyi Jesucristo, illanc' aimaltafqueyaconga'. Ti'i'ma całpujfxi luyalaico'me lapajnya.

⁹ Mał'nujuaitsilhuo' imanc' ałs'najtsi'iyi ŁanDios. Ałınca imanc' lixoc'iponga' calata juaiconapa. Małpalaic'oyi ŁanDios tixoqui calata ałs'najtsi'iyi tołta'a. Tocomma aimi'iya małsuai'niyacu ilē lałs'najtsi'ipa ŁanDios. Ailopa'a całtaiqui'. ¹⁰ Ipuqui' itine ałsa'hueyi juaiconapa. Ałmiyi: "Lałpi'itsonga' lane ałtsecontsa lahuejntola' lałpimaye nomana' Tesalónica". Ałnesyi: "Moł'huaiyijnyi Jesucristo

te aga tipa'a petsi aimoꝥcuc'eyi. Aꝥtoc'itolhuo', aꝥmuc'itolhuo'."

¹¹ Iniya, caꝥ'Ailli' ŁanDios y łatPoujna Jesucristo aꝥtoc'itsonga'. Lapi'itsonga' lane aꝥcuaiconsa jilpiya pe loꝥmana'. ¹² Caꝥ'Ailli' titoc'itsolhuo' imanc'. Illanc' aꝥinca aꝥ'elhuo' capic'a juaiconapa. Aꝥsa'hueyi ŁanDios tepi'itsolhuo' loꝥpicuejma', toꝥ'etsotꝥsi capic'a juaiconapa. Jouc'a toꝥ'etsola' capic'a jahuay loꝥ'as xanuc'. ¹³ Ja'ni titoc'itsolhuo' toꝥta'a ŁanDios jouc'a tifa'e'molhuo' loꝥpicuejma'. Litine ticuaiconanca łatPoujna Jesucristo y jahuay iꝥne iꝥ'huexi, ŁanDios caꝥ'Ailli' aimetac'ui'iyacolhuo' cajunac'. Timetsaico'molhuo' joupa iꝥ'ipa pangay c'a loꝥpicuejma'.

4

¹ Cunc'aꝥpimaye, ai'a tricula'ata' iꝥta'a coꝥje'e tipa'a xonca laifmiyacolhuo'. Joupa alu'ipolhuo' te ts'i'ic' molihuejyacu ŁanDios. Alu'ipolhuo' te ts'i'ic' monꝥ'eyacu ja'ni tetentꝥcocola' ŁanDios. Aꝥinca, ma toꝥta'a tolihuejyi. Illanc' aꝥ'eyi lipenic' łatPoujna Jesús toꝥiya aꝥsa'huelhuo', aꝥsc'ai'ilhuo': "Ti'ita' xonca ac'a iꝥe lolihuejpa". ² Ma to laꝥcuxe'eponga' łatPoujna Jesús, ma toꝥta'a laꝥcuxe'epolhuo'. Joupa oꝥsina' te ts'i'ic' laꝥsc'ai'ipolhuo'. ³ Aꝥcuxe'epolhuo' tonꝥ'eꝥe ma lixpijma' ŁanDios. Tolanajtꝥotꝥsi al xujc'a, ti'itsolhuo' qui'huexi ŁanDios. Aimonꝥ'e'me to iꝥne lan xanuc' pe nahuepá quilecaꝥ'no'. ⁴ Jahuay imanc' toꝥmuc'itꝥotꝥsi toꝥcuxetꝥotꝥsi al c'a. Tejonꝥi'moꝥtꝥsi anuli anuli quipeno. Ma le'a iꝥque lipeno tixhuico'ma. Timetsaicoꝥa' jouc'a iꝥ'huexi ŁanDios. Aimetets'i'ma. ⁵ Aimonꝥ'e'me to lo'epa lan xanuc' petsi aimimetsaicoꝥyi ŁanDios.

İhne tihuejcoyi ma le'a lojanajpa liŋcuerpo. İhniya aimixinyi acuanuc'la liŋpenoye, tixhuicoyi lonaispa liŋpicuejma'.

6 Tonŋ'e'me iŋe laifcuxe'epolhuo'. Ni' anuli imanc' metets'i'ma lipima ni mifel'mi'ma toŋta'a. Aimolaxic'e'moŋtsi loŋpenoye. Tonŋ'etsoŋtsi cuenna. ŁanDios ti'e'ma hĵca. Ti'najtse'e'mola' iŋe pe no'epá toŋta'a. Titeŋ'mi'mola'. Joupa alu'ipolhuo' toŋta'a. Aŋsc'ai'ipolhuo' juaiconapa. 7 ŁanDios aŋjoc'iponga', a'i maŋ'e'me al xujc'a. Laŋjoc'iponga' joupa aŋsimponga' i'huexi. 8 Pe aimalihuejconga' illanc' iŋe laŋsc'ai'ipolhuo' iŋque aimalatets'inga' illanc' ninc'ixanuc', tetets'i ŁanDios iŋque tepi'ilhuo' hi'Espĵritu Santo.

9 İta'a coŋje'e aimalçuxe'eyacolhuo': Tonŋ'etsoŋtsi capic'a lapimaye. Imanc' ŁanDios joupa imuc'ipolhuo' tonŋ'etsoŋtsi capic'a. 10 Linca olihuic'ipá iŋe limuc'impolhuo'. Toŋnujuaitsila' loŋpimaye ni petŋi lomana' łamats' Macedonia. Toŋtoc'ila'. İtsiya aŋsc'ai'ilhuo', aŋmilhuo': Xonca toŋnujuaitsola' loŋpimaye. Xonca toŋtoc'itsola'.

11 Tolahue'me te co'iya moluyalaicoyacu al c'a. Tonŋ'e'me canic'. Anuli anuli, quituca' quituca', ti'e'ma ma le'a lipenic'. Toŋsuicoŋe loŋmane' tonŋ'ele canic'. Toŋta'a joupa aŋcuxe'epolhuo'. 12 Toŋta'a iŋe petŋi aimi'huaiyijnyi ŁanDios tixim'molhuo' ac'a lon'epa. Imanc' jouc'a toluyalaico'me al c'a. Aimehue'eyacolhuo'.

13 Cunc'aŋpimaye, ti'ila' coŋsina' te lo'iyacola' iŋe laŋpimaye lijoupa limanapola', iŋe aŋnescopola' "tixmaiyi". Ja'ni aicoŋsina' lo'iyacola' iŋniya, aga imanc' toŋhuotso'me ma to mi'eyi locuenaye xanuc',

ihne petsi aiqut'huaijma litine lomaf'i'inyacola'.
¹⁴ Joupá a'epá linca li'ipa Jesús. Ique imanapa, imaf'inapa, ipanamma pe lomana' limanapola'. Jouc'a a'cuayi: Litine EanDios tummeconata Jesús jouc'a ticuaicu ihniya limanapola'. Ihne i'huaiyijmpá Jesús, a'nescopola' "tixmaiya". To'la'a la'huaiyijmpa. ¹⁵ Cu'i'molhuo' lo'iya. Ita'a itaiqui' la'Poujna Jesús. Ticuaiconanni Jesús ja'ni ts'a'maf'i' o joupá a'smaipá, cacua a'manaponga', ma' anuli a'hecona'monga'. Ja'ni a'maf'i' aimah'ecoyacongá ate'a. ¹⁶ Ticuequim'me ticuxem'me. Ma mija'e' cal Cuecaj Capaluc Quema'a, muna'e' litrompeta EanDios, la'Poujna Nopa'a lema'a timuyohuo. Ticuaiyoconno fa'a li'a lamats'. Limanapola' petsi ni'huaiyijmpá Jesucristo ate'a titsolinacu. ¹⁷ Tijoula' illanc', ja'ni a'mana' jifa'a li'a lamats', a'nof'em'monga', a'tai'monga' lummahuay. Illanc' y la'pimaye ma' anuli a'talecufta la'Poujna mimumma lema'a. To'la'a a'majnta nulemma anuli la'Poujna. ¹⁸ He lataiqui' tolu'itsola' lo'pimaye. Tolixoc'itsot'si cunlata.

5

¹⁻² Cunc'a'pimaye, jifa'a co'je'e aimalu'iyacolhuo' al 'hora ticuaiyoconno la'Poujna. Aimi'iya malu'iyacolhuo'. He lixpijma' EanDios. Aica'sina' ja'ni ahuata o axpe' lahue'epa a'sinte i'le al Cuecaj Quitine. Imanc' joupá o'sina' aimi'iya mah'esyacu: "Mouqui o pitsu o locuena camats' ti'i'ma". Cal namas no'huapa ipuqui' aimuya'e' te 'hora micuaiya lajut'l. To'liya micuaiya i'le al Cuecaj Quitine. ³ Minesyi lan xanuc': "Ailopa'a tintsi. Luyalaico'me al c'a"; ma ihniya litiné

tixim'me lumla. Litaipa łaca'no' joupa li'ipa lipumla aiqixinaic' lo'iya. Ma tołta'a tixim'me locuaicoya iłe al cueca' catełcoya. Titeł'mim'mola' nulemma. Aimi'iya munłulyacu. ⁴ Imanc' cunc'ałpimaye aimoluyalaicoyi al muf. Tołta'a, litine aimi'iya mixpaic'eyacolhuo' tama ticuaitsi to micuaita cal namas. ⁵ Jahuay imanc' joupa epalc'o'ipolhuo'. Ti'onłcospolhuo' to litine. Imanc' illanc' a'i muf lałpicuejma', aimal'onłcosponga' to lipuqui'. ⁶ Tołiya aimuluyalaico'me lapajnya to iłne noyalaicopá to noxmaipá. Ti'hua ałmaf'ile. Ałsuicołe al c'a lałpicuejma'. ⁷ Noxmaipá tixmaiysi lipuqui'. Lisnaye timeyoquila' lipuqui'. ⁸ Illanc', ja'ni al'onłcosponga' to litine, ja'ni joupa lapalc'o'iponga', ałsuicołe lałpicuejma'. Ałpa'neco'mołtsi, aimalulij'monga' Satanás. Jahuay łalunxajma' al'huaiyijnle Jesucristo, al'ete capic'a. Ałpo'nołe lałpicuejma' al'huaicołe iłque Nocuaicoya, lunłu'e'monga'. ⁹ Ma nipajnya al'huaico'me lunłu'e'monga'. ŁanDios Nał'huijfeponga' ixpic'epa lunłu'e'monga' illanc' nał'huaiyijmpá Jesucristo. Tołta'a aimi'iya małtel'miyaconga'. ¹⁰ Małque Jesucristo icupoxi tima'anłe, i'najtsepa lałjunac'. Tołiya iłe litine ticuaiconanni ałmajm'me anuli iłque. Ma tołta'a lał'iyaconga' ja'ni ałmaf'i', jouc'a ja'ni tocomma to ałsmayyi, cacua joupa ałmanaponga'. ¹¹ Toł'nujuaitsa iłta'a al c'a lo'iyacolhuo'. Tołta'a tolixoc'i'mołtsi cunlata, tołfa'e'mołtsi lołpicuejma'. Łinca ma tonł'eyi tołta'a. Ti'hua tonł'ete.

¹² Cunc'ałpimaye, jilpiya pe lołmana' timana' lapimaye no'epá lipenic' ŁanDios. Iłniya tixc'ai'ılhuo', tu'ılhuo' te ts'i'ic' molihuejyacu

itque łatPoujna. Ałsahue'elhuo': Tolimetsaicotsola' iłniya. ¹³ Tolimetsaicotsola' liłpenic' lo'epa. Toł'etsola' capic'a juaiconapa. Tonłejmalete al c'a. Aimolfuli'i'moltsi cataiqui'.

¹⁴ Cunc'ałpimaye ałsc'ai'iconalhuo': Iłne petsi aimi'eyi canic', tołtaletsola'. Ja'ni titafquemmola', tołpalaic'otsola' al c'a. Petsi ailopa'a quitpujfxi, tołtoc'itsola'. Tołsnet'ł'me lił'ejma' lan xanuc'. Aimolixtuc'o'mola'.

¹⁵ Tołpo'nołe cuenna loł'eyacu. Ja'ni ixcay li'epolhuo' aimonł'econa'me tołta'a, ni anuli imanc'. Tonł'e'me ma le'a al c'a. Ja'ni apimaye, ja'ni ocuenaye lan xanuc', ma' anuli tołtoc'itsola'.

¹⁶ Aimolšuełmot'łe'me. Itine itine tixojla' cunlata. ¹⁷ Moluyalaicoyi lapajnya ti'hua tołpalaic'o'me ŁanDios. ¹⁸ Ja'ni al c'a ja'ni a'ijc'a lo'ipolhuo', tołs'najtsi'ile ŁanDios. Tołta'a lonł'eyacu imanc' noł'huaiyijmpá Jesucristo. Joupaxpic'epa ŁanDios.

¹⁹ Aimolpa'ne'me cal Espiritu Santo. Tolapi'ile lane ti'ełta' ma lipic'a. ²⁰ Aimolatets'i'mola' lołprofeta lonespa. ²¹ Aimolapenuf'me jahuay lataiqui' lołquimf'epa. Tołspijle. Tolimetsaicote ja'ni al c'a o a'ijc'a. ²² Tolapenufle al c'a. Ja'ni a'ijc'a tolanajtsoltsi. Aimolapenuf'me.

²³ ŁanDios tipaxnetsolhuo'. Ma itque ti'i'ma tipac'e'e'molhuo' lołpicuejma'. Ti'e'etsolhuo' nulemma i'huexi. Tołta'a, ticuaiyunni Jesucristo tixim'molhuo' pangay c'a lołpicuejma', loł'alma, lołcuerpo. Aimetac'uinyacolhuo' cajunac', ailopa'a. ²⁴ ŁanDios ijoc'ipolhuo'. Itque aimifel'miyale. Joupaxipo'nopa cataiqui'. Ma ti'e'ma to joupaxlaimipolhuo'.

25 Cunc'alpimaye, tołsahue'ele ŁanDios
 altoc'itsonga' illanc'. 26 Tołmitsola' lałpimaye
 nomana' jilpiya: “Tinonilhuo' lałpimaye Pablo,
 Silvano jouc'a Timoteo”. Tołtuc'otsoltsi lołpeque ma
 to mituc'oyołtsi lałpimaye, ilne i'huexi ŁanDios.

27 Cacuxe'elhuo' tołsuef'le ilta'a colje'e petsi
 lafołyomma lałpimaye. A'i ma le'a iya' caituca'
 cacuxe'elhuo' tołta'a. Jouc'a ma' anuli tołiya
 licuxe'epolhuo' ilque lałPoujna.

28 LałPoujna Jesucristo tipaxnetsolhuo',
 titoc'itsolhuo' jahuay imanc'.

Lataiqui' loya'apa ñe al c'a lixpíc'epa LanDios
New Testament in Chontal, Highland Oaxaca
(MX:chd:Chontal, Highland Oaxaca)

copyright © 1991 Wycliffe Bible Translators, Inc.

Language: Chontal, Highland Oaxaca

Translation by: Wycliffe Bible Translators, Inc.

Chontal, Sierra de Oaxaca [chd], Mexico

Copyright Information

© 1991, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chontal, Highland Oaxaca

© 1991, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 30 Dec 2021

6400fb6e-80e3-5cbe-8b37-1a879c9db6c6